



EL PATET FIERO

Gabriel Sanz y Toni Collada

COLLADA 17

Texto: Gabriel Sanz

Dibuixos: Antonio Collada

Diseño y maquetazión: Publicomp

Edita: Gobierno d'Aragón. Dirección Cheneral de Politica Lingüística

D.L. Z-1496-2017



EL PATET FIERO


Gabriel Sanz y Toni Collada

COLLADA 17



Como suzedeba toz es veranos, la Siñora Pata va covar, y totas las amigas del corral teniban el deseyo de veyer es patez, que sempre eban es més bonicos de toz.

Va arribar el día. Poquet a poquet, es patez van principiar a ubrir es uevos, y toz s'i van achuntar debán del niedo pa veyer-los per primer vez.



Uno a uno, van ir sallín: seis preziosos patez, cadauno acompañau pels gritos d'alegría de la Siñora Pata y las suyas amigas. Tan contentas se'n van fer, que van tardar un poco a dar-se cuenta de que un uevo, el més gran dels set, encara no s'eba ubierto.

Toz van concentrar l'atención aixe uevo. Tamé es patez acabaus de naixer. Toz esperaban veyer bell signo de movimiento.



Poco dimpués, el uevo va encomenzar a trencar-se, y d'ell va sallir un sonrién patet, més gran que sus chermanos, pero —oh, sorpresa!— muito més fiero y esgalichau que es atros seis.



La Siñora Pata se moriba de vergoña per aber teníu un patet tan fiero, y el va apartar d'ella con l'ala entre que feba atenzión als otros seis.




El patet se va quedar ben triste, perque comprendeba que allí no el queriban.


Van pasar es días, y l'aspecto no milloraba. Al contrario: empioaraba. Medraba aprisa, y eba fllaco y esgalichau, a més d'esmanotau, pobracho.



Sus chermanos li feban embefias y se'n rediban de contino
dín-li fiero.




El patet va dezidir de mirar un puesto on podese alcontrar amigos de verdat, amigos que el querisen sin importar el suyo aspecto. Un maitino, ben pel maitino, antes que l'amo no se llevantase, va fuyir per un forat del corral.




COLLADA IF

D'ixa manera va arribar a una atra torre, on una anciana el va acullir. El patet fiero se pensaba que, a la fin, eba trobau un puesto on el querrián y el cuidarián. Pero va entivocar-se. La viella eba dolenta, y només queriba que el patet li servise de primer pllato. Corre que te correrás, tamé se'n va ir d'allí.



Va arribar l'iberno, y el patet fiero de poco va morir-se de fame, buscán de minchar entre el chelo y la neu, escapán de cazadors que queriban disparar-li.



EDICADO 17

Dimpués va arribar la primavera, y el patet fiero va pasar per una llaguna on va trobar les aves més belles que mai ese vistó. Eban elegáns, grázils. Se moveban con tanta distinzió, que va sentir-se inferior. Manimenos, como no teniba res a perder, s'i va azercar, y lis va preguntar si tamé podesba bañar-se.




Es zisnes, que eban las aves que eba visto a la llaguna, li van responder:

—Prou que sí! És como nusatros!

En sentir ixo, el patet va suplicar:

—No to'n burllez de yo, per favor! Soi fiero y fllaco, ya el sé... Pero no to'n abríaz de redir.

—No mo'n redim —van dir élls—. Veyeses la tuya imachen a la llaguna, comprobarías que no te mentim.



El patet, incrèdulo, va introduzir-se a l'aigua cristalina. Y lo que i va veyer el va dixar enarcau: en pasar l'iberno, s'eba convertiu en un prezioso zisne.

Aquell patet fiero y esgalichau eba ara el zisne més bllanco y elegán de toz es que n'i eba a la llaguna. Aixinas va ser como el patet fiero va unir-se con es suyos y va vivir feliz pa sempre.

Y cuento contau, per la chuminera entalto se'n ha anau.

